

Atanini Naitut

Ikalikiuktiitlu Tagiukutlu Kanatami Havakviat (DFO) ihivgiukpaktan uktutaitlu iliugaifaktainiklu tuniyuhanik Nunavunmi Imaknikut Katimayeenun (NWB) ukunanga Tahera Diamond Havakvianin (TDC), ihumagiblugitauk ihuahainahuaktait ihuahakhingitunik hilakyuakut ihivgiukpakmagit havakhainik. Talvuna, ukuat ukautait ayuitiakhimayumin ukautihainik ilitugipkaiyumayait NWB - kut ikayutihainik ukununa ihivgiuktilugit umuna havakhamun.

Imakakvikhamituhanik: Tagiungitumik Imakakvikmituhanik tughuami Ikalikivikmit Atugaghainik hanayauvaktut munagiyamingnik uktutilakaktumik 25 mm ikitkiamik kapugautikut uktutilanginik atukhutik maningitlu ikaluhaniktau atanikafiunakmata angililiktilutik. Hadja titigaayahait ukakhinginamik atugaghaini, adlakinik havakuiyutikakpaktut DFO -kut ukununga TDC -kunun ihuahagumaktan ukagiyauvaktumik. TDC uTDC -kut kiuyutikakpaktut titigaufaniakhutigit tughuhamiklu imakakvikhamiklu, imakakvikhamituhak tughuakmituhak itiyumungaktuhak angililiktauyuhak tughuaktau.

Hanajutihait kayakakvikhamik hinanituhamik ikikliyumiutiniaktait ikaluknik imaknitunik, hiuganikniakmatauk kayakakvik, hinani adjikikhimayumik. Tahera angikpaktut munagiyamingnik kanugitahakinik ingutagutainin kayakakvikham hinanilu ihumaliuktuhauyutauk kanuktut nakuhiyutihainik hiuganaktitpat.

Kugluitmi C1: Imakainakmat uyagaghiukviani ukuangani, DFO –kut nakugiyait hananialikmagit ikigahakhamik iliugaigumiku nakuniaktut atugumiku kakugugalungmun. DFO –kut ukautiyan ikigahakhak tahinuakaktuhak takiuniklu nautiakaklutiklu, ikaluinaungituhaniklu adjikigahuaklugit adlanik ikigahaniklu. Ihivgiukhiktuhaugalui katitighiktuhaumata atanitumun, munagiyutait naunaiyakpatigit. Atukpaktait Panda Diversion Ikigahan EKATI™ Diamond uyagaghiukvikmi, aghuknatkiat adlangutihaita ukakhiktuhat kikhimayumi atani nunamitumik ihumalutigiyaavaktunik, audlalihakat ikigahaliugutihamik. Tahera angikpaktut tuyukniakhutik adlangutikhiktumik titigaayahainik adlangutihainik tahihanuaniklu, nautiahaniktau munagilugitlu hinangini tahinuat, munagitakatigit. TDC angiktait kuglunuitlu ikalukiyutiitlu munagiyauniaktut Kuglunuami C1 titigakhiklutiktau Umayuitikut Mihigiyutihainik Munagiyutihaini, DFO –kut pitkuyutikaktut munagihimaktahait havakhimaktitluk ikigahaliukhimayumilu, tahinuanginitauk atukhimaklugitlu atughalimaituniktau himikataklugit ukuakaklugitlunin hiukinaitumik.

Havaktilutik, ilanga imakakvia angmaktauniaktut angmayumik uyagaghiukniakmata atanitungitumik nunamilu angamakniaktutauk atuknahuangitutlu uyakat hanianilu uyagaghiugikhimayutlu. Imatauk kuvivaktut nakuluanginiaktut titikaini atugaghanilu talvuna kihimi munagiyauniaktut uvani Havakhilikituni Kimberlite Munaghiviani (PKCA). Ukuat kuinginahuanginamik ima adlangutikakniaktut ikaluknik Kuiglukakviani C1, ukuat TDC –kut ukakhimayait hivunihami adlangulualimaitut imakakvikyuak talvanitut kugluhait aviktutut itmatigit Kuglunuami C1 –mi. Kihimi, imangitauk katitut kugluani kulani Kugluam C1 kugluit kuviungnaikata, havakhimaktitluk, adlangutiniaktut hadja ittuniklu adlangutiniaktitauk ikalikiyutihainiklu. Ukuat DFO –kut nakugiyani kitkanitumik imakakvikhamik munagiyauyuhamik, uvagut kihimi ima munagiyaunahuangitut titigakhiktuhat Kugluahami C1. Kihimi, ihivgiugutainin NWB tuyukpaktainin, ukuat kangihinaitut titikaini kihimi. Talvuna, munagiyauyuhait ikalikiyutiit atanituni Kugluakhami C1 inikhiktuhaugalui naunaiyaklugit hivunihami kanuktut atukniaktamingnik ukuat TDC –kut.

Uyagaghiukvikhat umikniakatauk nakukpata imaknik Kuglukmun C1 kuvivaktunik, TDC naunaiyaktait ikigahak kimaktautaktutlu tahiktau iliugafaktuhaktau. Kihimi, imaiyagumik ininik panigumiktau kugluit audlalimaikniaktut Kugluhamun C1 –mun. TDC ihumayut ikitkiamik 6.5% ikikliyumiktakhtiktau adlangutikalikata nunamilu kugluinmilu hananiani ungmayumi uyagaghiukvikmi. Uvalu, DFO –kut ihumaluktut tahinuak kuviyainin tahimin nikikakluakniaktutauk unguvaluaktainin Kugluahamin C! nakuyunik negiyutihainik. Kihimi, TDC ukakpaktut imaknituni

Havakvikhami imaknitut atikaktut ultra oligotrophic pikaktutlu, nakuluanginiaktutauk umayuit hungiutiyagikhimagamiktau. TDC naunaiyakpaktait katitigiyutihait uyagaghiukvikhami imaiyautait tutkumayait imaitlu uvanilu Kugluhami C1 titigakhiktuhatu, iliugakatauyuhaukmata imaiyautaitlu iliugakataukpata Kuglukmun C1 –mun. DFO –kut pitkuyutikaktut iliugaifagutihait adlakiit ikigahami ihumagifakhiktuhait havakhimaktitluklu ihuahakhiklutiklu umigahualikatalu, imakut nakuyutihainik kangihiyutikalikata. TDC ighiinakhimaitumik munagihimaktahait ikigahamik igakpakhimayut itahan tahamanituhaukat.

Kugluhami C3: DFO –kut ikayukniaktait Hilakyuakmi Kanatami Havakviatlu ukuatlu NWB nakuluaktumik ayuitiagutihanik atukpatigit munagiyutihainik imalikiyutihainik Kugluhami C3 –mi. DFO –kut havakuiyutikaktut Imakut Katimayeenun ihumagiluakuilugitauk adlanik havakhaniklu imakut nakuhimakukmagit munagikukmagitlu nakuyumik, ihumagilugitlu havakhimagutihainik kuglukhamun C3 ikaluknut nakuhimagutihainik, havakpiakuyait havaktaktainik.

Kuviyumiutikakniaktut havakhimaktitluklu ukunani PKCA, ukuat DFO –kut ihumalutikaktut kuviyumiutikalikata ikigahakmi ahagutihakakniaktut hinani. Ukuatauk TDC –kut ihumayut ahaguktukakata hinani ihumalutituhaitlu ukakhutiklu ayuitiakhimayumik imalikiyutikaktut ihivgiukniakhutiklu Kugluhami C3 ukiumi atukhikmi ihivgiukatakniaktanlu, pitkuyutikakhutiktau adlangutihainik ahaguktukalikata hinani. DFO –kut pitkuyutikaktutlu adlangutihanik upalungaiyautikaktuhat ikaluit munagikugamikulunin nakuhiyumiutikaktuhaumatalunin, havakhimaktitluklu umilikatalu, ihivgiukatauvumik hadja ittunik kanugitunik. Adlamiktau, munagiyutihait upalungaiyautituhait ihuahakhiktuhait kilamik tautuknakhikpata ahaguktukata.

Atugaghakata Kagaktitautinik: Kagaktautinik atukata ikalungnun nakungituklu ikaluyiakpaktait, Ukuat *Atugaghait Kagaktautinik Atukniakata uvanilunin Hanianilunin Kanatami Ikalikivikni Imainilunin* iliugakhikpaktut iligipkaiyumaktut havaktihanun naunaitkutituhait tutkumayutihainiklu munagiyutihainiklu ikaluknunlu imaknituni mihigiyutihakakniakmata kagaktautinik atukata. TDC –kut titigafakhugit adlanguktait kagaktautikut ihivgiugutihainiklu angiktaitauk iliugaikuyutihainik adlangutihainik kagaktautikut upalungaiyautituhait atuligumaktait Atugaghani titigakhimayuni munagikuiyutikaktut mihigiyutihainik ikaluknunlu huvaitlu mighiuyuhaukmata mihigiyutihainik munagiyutikaktuhat.

Ikaluknik Tamaitailiyutihait Havaat: Havatlunin havakniaktamingniklunin havakhikniaktunik ikalukaktuni imakni ikaluyiakniakmagitlu talvunatauk, pihimayahamingnilu nuutigutihainiklunin ikaluknik nakuyuhamun imakakvikni audlaktinagit hanajutihainik. Tahera nutangukhimayumik atugaghanik atuliktut titigauyakuakhimayunik Jericho Diamond Havakhamunlu angikhutiklu ikayukuiniakhutik nunamiutanin ilitugiyutihainik ilitugikuyauniaktut kanuktut atukniaktuhanik ikaluknik.

No Net Loss Plan (NNLP): DFO –kut ukautiyait ukununga TDC –kunun angikatiktaktut NNLP –kut atugaghainik tikingiakaktan, adlangutikakaklutik kihimi. TDC –kut ighiinakhimaitumik havakatiginiaktait DFO –kut inigiamingni naunaiyakhimayunik titigauyahainik ihuahaiyutihainik ukununga titigakhimayutut NNLP –kun. Uvalu, iliugaiyutihaitlu adlangutihainik inikvikhaktuhaitlu hanajutihainiktau upalungaiyautituhaitauk mikauyuhait mihigiyutihainik ikaluknun nakuyutikaktuhatlu imaknik iliugakhiktinatik. Ukuat TDC angiktut iliugaigumik munagiyutihainik audlaktitumaktait havagahuaktamingnik. Ukununa katitigutainin ihumaginiaktait naunaitkutainik ikalukut nakuhiyumiutikaktuhaugamik. Havakhimakata atuklutigit titigakhimayuni *Ikalikiutni Maligaini* Ataninin angekhiktuhait iliugaktinatigit ukuat NNLP.

Inigutait: Tamaita, hilakyuami ihivgiugutaitlu munagiyauyutlu havakhimagutihait mihigiyutiginiaktait ikaluknunlu imakmiyutainiklu. DFO –kut nakugiyutikaktut, adlangutihainik tuyuktait NWB –kunun, uvagutlutauklu pitkuyahainik titigakpaktaptingniklu, tapkua tamainik munaginiaktait ilitagiyauvaktut ihumalutigivaktainik. Adlamiktau, DFO –kut ukuat NNLP ukaginiaktait ihuahainahuakniaktan ikaluknun tapkua tamakpaktunun atukniaktaitauk Ikalungnik

Tamailimaituhanik iniagamik katahaini ikaluit itvikhaini. DFO –kut igiinahuktut ikataunialigamik ukunani NWB Inikpiaklutigit Tuhayutikaknialikmatalu ukunungatauk NWB –kunun ihumagikuniaktait pitkuyauyutihainik ikikliyumigahuakulugit mihigiyutihainik ikaluknunlu imakmiyutihainiklu.